

A CROXE DE SAN ZÒRZO

di Isabella Descalzo

Tenpo fa, caminando pe via Gorgonn-a, in Arbâ, m'ê chéito i euggi in sce 'n pôrtègo ch'o gh'à in çimma a croxe de San Zòrzo, quella che gh'è in sciâ bandea de Zena. Chisà, fòscia chi à fæto o palasso o ghe tegniva a rimarcâ che, scibén ch'o segge ben ben feua de miage, o l'è senpre Zêna.

Da quella vòtta li, m'ê vegnuo coæ de fâ câxo a quante croxe de San Zòrzo gh'è in gio pe-a çitæ.

Unn-a, ch'a m'ea tanto piâxua, l'àiva za notâ inta magninn-a do Banbin da Madònna da Vitòia inta gexa òmònima, in çimma a-a stradda de San Bertomê do Fosòu.

E doe ciù inportanti en de segûo quella do Fiasella in çimma a-o scalon de Paxo e quella beliscima de marmo in sce l'arcon do presbiteio in San Loenso, ma ghe n'è pituæ in scî lanpioin davanti a-o Carlo Felice, in çimma a-o Muzeo de Stòia Naturale, ... e dove ancón?

Se n'èi coæ, çercæle e mandæne a fotografia da publicâ in sciò Boletin.



Madonna della Vittoria in via San Bartolomeo del Fossato



Via Gorgona 4



San Lorenzo



Palazzo Ducale